

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

Коми Республика мутасын Россия Федерациялӧн абу материальной этнокультурной озырлун юкӧнын торья юалӧмьяс ладмӧдӧм йылысь

Примитӧма Коми Республикаса

Каналан Сӧветӧн

2023 вося косму тӧлысь 19 лун

1 статья

Тайӧ Оланпасыс «Россия Федерациялӧн абу материальной этнокультурной озырлун йылысь» Федеральной оланпас серти (водзӧ – Федеральной оланпас) ладмӧдӧ Коми Республика мутасын Россия Федерациялӧн абу материальной этнокультурной озырлун юкӧнын торья юалӧмьяс (водзӧ – абу материальной этнокультурной озырлун).

2 статья

Тайӧ Оланпасын вӧдитчан шӧр кыввежӧртасьясӧн вӧдитчӧны сийӧ жӧ вежӧртасын, кутшӧмӧн и Федеральной оланпасын.

3 статья

1. Абу материальной этнокультурной озырлун юкӧнын Коми Республикаса Каналан Сӧветлӧн уджмогьяс лыдӧ пырӧны:

1) абу материальной этнокультурной озырлун юкӧнын Коми Республикаса оланпасьяс да мукӧд нормативной инӧда акт примитӧм;

2) абу материальной этнокультурной озырлун юкӧнын Коми Республикаса оланпасьясӧ кутчысьӧм да найӧс олӧмӧ пӧртӧм бӧрся видзӧдӧм;

3) Россия Федерацияса Оланподулөн, федеральной оланпасьясөн, Коми Республикаса Оланподулөн да Коми Республикаса оланпасьясөн урчитём мукöd уджмог.

2. Абу материальной этнокультурной озырлун юкёнын Коми Республикаса Веськөдлан котырлөн уджмогьяс лыдö пырöны:

1) абу материальной этнокультурной озырлун юкёнын культура сфераын öтувья канму политика збыльмөдöмын участвуйтём;

2) культура да искусство учрежденияс котыртём да налы отсалём (федеральной канму культура да искусство учрежденияс кындзи, кутшöмьяслысь лыддьöгсö вынсьödö Россия Федерацияса Веськөдлан котырөн уполномочитём федеральной олёмö пöртысь власьт орган) абу материальной этнокультурной озырлун объектьяссö эрдöдан, туялан, наён вöдитчан, найöс актуализируйтан, видзан да наён паськыда тöдмöдан юкёнын;

3) дінму да меставывса национально-культурной автономияслы отсöг сетём;

4) йöзкостса мичаторьяс вöчан организацияслы отсалём (йöзкостса мичаторьяс вöчан организацияс кындзи, кутшöмьяслысь лыддьöгсö вынсьödö Россия Федерацияса Веськөдлан котырөн уполномочитём федеральной олёмö пöртысь власьт орган);

5) мераяс збыльмөдём, кутшöмьясöс веськөдöма Коми Республика мутасын олысь Россия Федерацияса войтырлөн культуралы отсöг сетём, сійöс видзём, сöвмөдём да туялём вылö, Коми Республика мутасын олысь Россия Федерацияса войтырлысь этнокультурной унапöлöслунсö, сы лыдын абу материальной этнокультурной озырлунсö, видзём вылö;

6) абу материальной этнокультурной озырлун юкёнын дінмуса научно-технической да инновация уджтасьяс да проектьяс котыртём да збыльмөдём, сы лыдын Коми Республикаса наука организациясөн;

7) абу материальной этнокультурной озырлун юкёнын наука да научно-технической уджтасьяслысь да проектьяслысь экспертизаяс

нуодомсö котыртöм, кутшöмъясöс сьöмөн могмөдöны Коми Республикаса республиканскöй сьöмкуд сьöм тшöт весьтö;

8) абу материалнöй этнокультурнöй озырлун юкöнын уполномочитöм Коми Республикаса олöмö пöртысь власьт органъясöс индöм;

9) Коми Республикаса абу материалнöй этнокультурнöй озырлун объектъяслысь дінму реестр лöсьöдöм да нуодöм;

10) Россия Федерацияса оланпастэчас да Коми Республикаса оланпастэчас серти мукöд уджмог.

3. Тайö статьялөн 2 юкöнын индöм абу материалнöй этнокультурнöй озырлун юкöнын Коми Республикаса Вescькöдлан котырлысь уджмогъяссö збыльмөдöны Коми Республикаса Вescькöдлан котыр ачыс либö сьöн уполномочитöм Коми Республикаса олöмö пöртысь власьт органъяс, тайö статьяса 2 юкөнлөн 8 пунктын индöм уджмог кындзи, кутшöмöс збыльмөдö Коми Республикаса Вescькöдлан котыр ачыс.

4 статья

1. Дінму да меставывса (муниципальнöй) тöдчанлуна абу материалнöй этнокультурнöй озырлун объектъяслысь учёт нуодöм, найöс видзöм, туялöм, актуализируйтöм да найөн паськыда тöдмөдöм могысь нуодöны Коми Республикаса абу материалнöй этнокультурнöй озырлун объектъяслысь дінму реестр.

2. Коми Республикаса абу материалнöй этнокультурнöй озырлун объектъяслысь дінму реестр лöсьöдан да нуодан пöрадөксö, Коми Республикаса абу материалнöй этнокультурнöй озырлун объектъяслөн дінму реестрö абу материалнöй этнокультурнöй озырлун объект пыртöм йылысь помшуöм примитан пöрадөксö вынсьöдö Коми Республикаса Вescькöдлан котырөн уполномочитöм Коми Республикаса олöмö пöртысь власьт орган.

5 статья

1. Тайö Оланпасыс вынсялö сійöс официальнойö йöзöдан лунсянь.
2. Коми Республикаса Веськöдлан котырлы примитны нормативной инöда актяс, кутшöмьяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

СЫКТЫВКАР

2023 вося косму тöлысь 24 лун

33-РЗ №